



Submisaun Orsamentu Jeral Estadu 2021

Parlamentu Nasional Timor Leste

Programa VIII Governu Aprovadu ba Ministériu
Edukasaun.

Governu sei mellora qualidade edukasaun no treinamentu vokasional, assegura Timor oan hotu iha asesu ne'ebe hanesan ba érea edukasaun hotu liu husi reforma jestaun no administrasaun sistema edukasaun. Ida ne'e sel Inklui melloramentu eskola; moderniza no assegura relevancia ne'ebe bo'ot ba esforsu treinamentu vokasional ne'ebe kontinuo; dezenvolve rekursus umanus nasional liu husi programa plurianual sira; haforsa Komisaun Nasional Edukasaun (KNE); no konsolida lian Tetum

I. Análise ba tendéncia gastus

A. Gastus Relacionados ho PRE

- Asaun responsivu ida ne'ebe adekuaudu husi MEJD ba situasaun infraestrutur eskola sira nian ne'ebe sai preokupasaun comunidade durante tinan barak bele hahu hetan atensaun gradualmente liu husi PRE ho metas tempu naton no tempu naruk
- Planu ekstensaun eskola CAFÉ considera ladún adekuaudu hodi responde metas PRE iha tempu naton no tempu naruk tamba sei hamosu diskriminasaun entre área rurais ho área urbana tamba halo ho objetivu atu halo dobradu numeru estudante atual maibe la promove ba iha área rurais. Enkuantu ekstensaun iha konteistu atu apoiu formasaun professores diak tebes
- TLCE hanoin katak planu desenvolve PPP positivu tebes atu nune'e graduadu sira preparado atu responde necessidade real desenvolvimentu nian no iha abilidade atu tama iha kompetisaun merkadu laboral maibe la'os privatizasaun edukasaun
- Presiza atu considera katak aumenta sala de aula deit seidak bele atinji meta atu hamenus numeru estudante kada sala de aula maibe presiza mós aumenta numeru professores atu responsabiliza disciplina no sala de aula sira
- Metas atu desenvolve matérias, kurrikulu no distribui ba eskola sira nudar asaun responsivu adekuaudu
- Presiza atu espesifika kustu sira iha programa formasaun professores nian no espesifika mós eskola targetu sira ne'ebe atu kona rehabilitasaun ka konstrusaun atu metas ba atividade rehabilitasaun no konstrusaun bele atinji iha 2021 (*atividade; 5200602, 5200302, 5201302 no 5220203*) tamba baseline ba atividade ne'e genériku
- Programa merenda eskolar iha EB nia metas konklui ona iha Kongressu Edukasaun 2013 liu husi produsaun Manual Merenda Eskolar nian, nune'e TLCE hanoin katak la presiza iha tan gastus atu repete metas hanesan

B. Gastus natural MEJD nian

- MEJD preve estimasaun gastus ba subprograma gestaun no akreditasaun pre eskolar ho montante \$3,042.264 no iha deit 6,720 ba atualizasaun professores, TLCE hare'e katak existe desafio bo'ot ba salarial no vensimentu professores wainhira MEJD acredita pre-eskolar sira ne'ebe comunidade loke maibe MEJD la prevê osan ruma atu enfrenta desafio ne'e
- Iha subprograma jestaun institucional, prevê \$2,637.675 ba SV hodi halo ba rekrutamentu professores (EPE, EB, ES), TLCE bele apresia wainhira MEJD hahú formasaun inicial nudar prosesu integrante iha rekrutamentu professores tuir PENE no la'os husik deit funsaun publika halo rekrutamentu livre
- Nafatin iha subprograma jestaun institucional, prevê \$84,500 ba BS, maibe hodi halo manutensaun ba makina empresaun maibe la integra ho funcionariu tekniku impresaun nian nune'e ami divida katak makina impresaun bele funciona no responde necessidade impresasaun MEJD nian iha 2021. Seluk mak planu atu halo diagnostiku ba viabilidade expansaun centro imprimi ne'e la relevante, ita hatene ona katak centru la funciona durante nian 2, nune'e la iha kondisaun ba expansaun
- TLCE apresia tebes ba programa emergjensia eskolar tamba bele responde ho lalais eskola sira ne'ebe kada tinan sempre afeitadu ho desastre naturais, maibe ami hanoin katak montante osan ne'ebe propoin la ami considera la relevante ho atividade
- Subprograma infraestrutura educativas; informasaun ne'ebe TLCE asesu katak lolos iha ona padraun mínima infraestrutura nian, nune'e ami hanoin la presiza iha tan padraun foun, maibe presiza mak komitmentu ba implementasaun. Tamba desafio ne'ebe existe katak padraun infraestrutura la bele implementa tamba la iha orsamentu no karik iha dala barak la natón
- Edukasaun inklusiva; prevê \$4,500 hatudu katak MEJD la iha seriedade ba implementasaun planu Nacional edukasaun inklusiva, orsamentu ne'e labele responde ba neseidade infraestrutura ne'ebe asesivel ema ho deficiente, família kiak no marjinalizadu (apoiu sosa farda, kadernu nsst)

- Iha ensinu basiku 3 siklu no ensinu sekundariu iha derrota drastiku iha numeru matrikulasaun no drop out aliende kestaun kualidade ensinu maibe MEJD la considera iha planu
- Planu atu atualiza informasaun estudante ho necessidade espesifiku la adekuadamente bele responde meta edukasaun inklusiva tamba mairia la eskola
- Presiza avalia efektividade husi centru komunitarius aprendizagem iha munisipiu hotu tamba barak la funciona no estudantes barak mak mai fali eskola iha dili
- Gestaun no akreditasaun ESTV; 60 diretiva sei simu sira nia pagamentu retorativa, ida ne'e novidade diak, maibe presiza espesifika tamba direjente ESTV barak mak la simu subsidiu ba kargu direjente nian desde eskola hari'i

II. Análise ba impaktu orsamentu

- Jerálmente TLCE observa katak orsamentu ne'ebé MEJD propoin bele lori mudança iha edukasaun Timor Leste tamba maioria preokupasaun comunidade nian ba edukasaun kolokadu iha orsamentu ne'e, enkuantu TLCE nafatin ezije ba efektividade no efikasias iha implementasaun

Rekomendasaun

- Ba programa merenda eskolar importante atu hadiak mak
- Mekanismu koordenasaun interministerial (MEJD, MS, MTCI no MAP) inklui mos konsantil
- Atu hadia nutrisaun iha menu merenda eskolar nian presiza mak formasaun ba servente local sira
- Material no facilidade ba Merenda eskolar nian
- Monitorizasaun
- MEJD presiza atu responsabiliza eskola publiku sira ne'ebe akreditadu
- MEJD presiza buka hatene kauza husi numeru matrikulasaun ne'ebe tún maka's iha siklu 3 EB no ensinu sekundaria no halo intervensaun adekoadu hodi garante katak timor oan sira asesu ba edukasaun
- Atu garante edukasaun inklusiva, presiza iha politika, orsamentu no tratamento adekoadu ba estudante sidaudaun ne'ebe lolos sai estudante atu asesu ba